



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1846

CXIX. Vergleich des Rathes und des Pfarrers zu Gardelegen in Betreff eines in der dortigen Pfarrkirche zu errichtenden Altares, vom 10. Mai 1306.

Nutzungsbedingungen

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

leghe debet esse libera ab omni precaria et exactione et a qualibet iniuria quocunque nomine censeatur perpetuis temporibus et exempta. Predicta quoque terra nostra non debet a Nobis seu ab advocatis nostris aut ab officialibus nostris quibuscunque aliquantulum molestari sive per hospitalitatem sive per alia gravamina seu per iniurias, per quas sepius hactenus indebite gravabatur. Bodellus quoque noster, qui aliquorum bona Incolarum ejusdem terre subintrabat, de cetero non intrabit eadem nec requiret ab ipsis ut fodiant vel sepes faciant vel aliqua nobis servicia faciant, ut pote nobis deseruire hactenus consueverunt. Et insuper ad nullam omnino volgiam extra advocaciam ejusdem terre erunt Nobis villo tempore obligati. Ab hiis enim et a quibuscunque injuriis debet communitas predictae terre nostre esse libera in perpetuum et exempta. Preterea si Nos dividere una cum fratre nostro aut Patruelibus aut filiis nostris bona nostra contigerit, nullam eis prorsus partem omnium bonorum assignabimus, nisi prius ipsi Juramento prestito et fide data promittant, hec omnia suprascripta inviolabiliter perpetuo observare. — Testes hujus rei sunt nostri fideles Nycolaus de Buck et Hinricus de steghelitz Dapiferi, Conradus de Reder, Buffo albus et niger Buffo, Gherardus de ircleue, Gherardus de kerkowe, Hinricus de Rochowe, Thideko de Luderiz, Bertoldus pincerna et Hermannus de Gardelege milites. Acta sunt hec in villa Roghetz, Anno Domini M^o CCC^o quinto, In die Beati Bricii Episcopi et confessoris, per manum Everhardi nostre Curie Capellani et Notarii.

Nach dem Originale im Geh. Staats-Archive in Wolsbrück's Uvensl. I, 338.

CXIX. Vergleich des Rathes und des Pfarrers zu Gardelegen in Betreff eines in der dortigen Pfarrkirche zu errichtenden Altars, vom 10. Mai 1306.

Nos consules et Schabini Ciuitatis Gardeleghe Recognoscimus et tenore presencium puplice protestamur, Quod de scitu et consensu Illustrium principum Ottonis et Woldemari, Brandenburgensium Marchionum, Cum plebano nostro domino Petro de quodam altari in nostre Ciuitatis Ecclesia sancti Nycolay scilicet construendo placitauimus quemadmodum est subscriptum, Ita videlicet quod presbiter, qui dicto ministrabit altari, nullum jus parochiale aut officium ad plebanum pertinens sibi vendicabit, Sed solum missam cantet infra matutinum officium cum nota temporis congruente, Exceptis tantum diebus sollempnibus, In quibus dictus presbiter differet usque post sollempnis misse offertorium suam missam cantare. Si autem dicto presbitero placuerit dicere vespere aut vigilias in dicta Ecclesia aut in dicta Ecclesia cimiterio, non separatim dicat, sed in choro cum sacerdotibus plebani, cum hoc magis expediat, dicere teneatur vel cantare. Item dictus sacerdos solis redditibus ad dictum altare assignatis contentus erit nec eos de obuencionibus parochie auementabit, Sed omnia, que sibi intuitu diuini officii presentata fuerint vel oblata puplice vel occulte, tenetur plebano integraliter presentare. Item si sepedictus presbiter modum aliquem excogitauerit, per quem videatur ledi aliquantulum parochia, Consules et Scabini, qui pro tempore illo presunt, cum eis hoc significatum fuerit, tenentur illud in melius reformare. Huius rei testes sunt Hinricus fames Ordinis predicatorum et frater Albertus Ordinis minorum, nostre Ciuitatis terminarii et Dominus Bartoldus pincerna et alii quam plures fide digni: et insuper in euidens testimonium presentes literas conscribi fecimus Sigillorum Reuerendi in cristo patris et domini nostri Alberti Haluerstadenfis Episcopi Necnon Incliti principis Domini

nostri Marchionis Ottonis et nostre eciam Ciuitatis sigilli munimine roboratas. Actum et Datum Anno Domini M. CCC. VI°. Nonas May VI°. Gardeleghe.

Nach dem Originale im Card. Rathearchive.

CXX. Markgraf Woldemar bestätigt einen zwischen dem Pfarrer und dem Rathe zu Gardelegen in Betreff der Zehntpflichtigkeit der Bürger dieser Stadt getroffenen Vergleich, am 7. Mai 1309.

In nomine domini amen Nos Woldemarus, dei gracia Brandenburgensis, Lufacie et Landesberghe Marchio, Tutorque Incliti principis Marchionis Johannis, Salutem omnibus in perpetuum. Ad noticiam singulorum Cupimus peruenire, Quod inter dilectum nostrum Capellanum petrum, plebanum in Gardeleghe, ex vna parte et inter dilectos burgenfes nostros discretos viros eiusdem ciuitatis parte ex altera, super fructibus decimarum eidem plebano et suis successoribus persoluedis diuino iure pariter et humano, nostro interueniente consensu, conuencio seu amicabile composicio est hinc inde placitata, talis videlicet, Quod dicte ciuitatis consules, qui presunt pro tempore, pro decimarum fructibus magnis et minutis, singulis annis In die beati Martini vel sequenti, quatuordecim talenta, scilicet denariorum brandenburgensium et datiuorum, et in die sancte walburgis quatuor talenta denariorum eorundem, plebano soluere tenebuntur, nisi impedimento legitimo videlicet absentie consulum excusante ipsa persolutio retardetur, Tunc in octaua festi predicti nominata pecunia a prefatis consulibus persoluetur, Occasione amputata et dilacione qualibet postposita et remota. Preterea propter defectum frugum siue percussione grandinis siue cuiuscunque euentus dicti consules a dicte pecunie persolucione nullatenus excusabuntur. Insuper si quid, quod non speratur, negligenter est pretermisum, aut maliciose detentum a predecessoribus burgenfium predictorum in persoluedis decimis, pro eo in restaurum deo et ecclesie de agris suis in districtu eiusdem ciuitatis vnum opus aratri, quod plochwerck a vulgo ibidem dicitur, de propriis denariis compararunt, cuius proprietatem nos vna cum burgenfibus eidem ecclesie contulimus et donauimus, perpetuis temporibus possidendam. Item plebanus vel sui successores ad tenendum bouem et aprum nullo amplius in tempore Ciuitati erunt quodammodo obligati. Ista duntaxat condicione adiecta, Quod si dicti consules vel eorum successores tedio aut malicia affecti, quod absit, plebano nominatam pecuniam soluere forsitan denegarent, Ne sic plebanus immo deus sua parte defraudaretur, Tunc idem plebanus, qui illo preest pro tempore, ad primum suum jus, ad fructus videlicet decimarum percipiendas, sicut prius, plenam et liberam facultatem habeat redeundi, et predictum opus aratri cum pecunia supradicta e conuerso ad burgenfes libere reuertetur. Alioquin ista durante condicione neuter parcium nullo in tempore hanc composicionem rite et racionabiliter factam, nec possit nec audeat violare, presertim cum istam composicionem, matura deliberacione iunitam et acceptatam, volumus esse ratam et perpetuam, sicut eam Reuerendus in cristo et dominus albertus, halberstadenfis ecclesie episcopus, noster dilectus auunculus, auctoritate sua propter bonum pacis et amicicie in nomine patris et filii et sancti spiritus confirmauit, voluntate domini alberti de tunderfleve dicti, tunc temporis Archidiaconi banni balsamie plenarie accedente. Itaque eandem Testibus preordinatis videlicet Domini Nicolay de Buk et domini droysfekone Dapiferis et quampluribus aliis omnimoda (sic) fidedignis nostri Sigilli roborauimus munimento. In huius rei Euidenciam firmiorem,